



Broj: 10/E-11-4675/25
Sarajevo, ~~10-09-2025~~ . godine

Na osnovu člana 69. stav (2) tačka b) i člana 70. stav (4) Zakona o javnim nabavkama BiH ("Službeni glasnik BiH", broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine (u daljem tekstu: Komisija II), u postupku javne nabavke usluga odvoza smeća, putem pregovaračkog postupka bez objave obavještenja o nabavci (Zapisnik broj: 10/E-11-4675/25 od 03.09.2025. godine), Općinski načelnik donosi:

O D L U K U **o poništenju postupka javne nabavke**

I Poništava se postupak javne nabavke usluga odvoza smeća, pokrenut putem pregovaračkog postupka bez objave obavještenja o nabavci, Informacije o pregovaračkom postupku bez objave obavještenja o nabavci: 848-4-2-104-20-2/25 od 28.8.2025. godine, iz razloga što u određenom krajnjem roku nije dostavljen nijedan zahtjev za učešće u pregovaračkom postupku bez objave obavještenja o nabavci.

II Ova Odluka objavit će se na web stranici Općine Centar, Sarajevo (www.centar.ba).

O b r a z l o ž e n j e

Postupak javne nabavke usluga odvoza smeća, putem pregovaračkog postupka bez objave obavještenja o nabavci pokrenut je Odlukom Općinskog načelnika o pokretanju postupka javne nabavke, broj: 10/E-11-4675/25 od 18.08.2025. godine.

Predmet nabavke nije podijeljen LOT-ove.

Ukupna procijenjena vrijednost javne nabavke bez uračunatog PDV-a iznosi 16.666,70 KM.

Informacije o pregovaračkom postupku bez objave obavještenja o nabavci: 848-4-2-104-20-2/25 od 28.8.2025. godine, objavljene su na Portalu javnih nabavki (www.ejn.gov.ba).

Poziv za dostavu zahtjeva za učešće u postupku, kao prva faza pregovaračkog postupka, objavljen je na Portalu javnih nabavki dana 28.08.2025. godine, zajedno sa kvalifikacionom dokumentacijom, odnosno tenderskom dokumentacijom, evidencijski broj: 10/E-11-4675/25.

Objavom na Portalu javnih nabavki, tenderska dokumentacija sa jasno definisanim uslovima za pretkvalifikaciju, kao i rokom za dostavljanje zahtjeva za učešće, postala je dostupna svim zainteresovanim kandidatima koji ispunjavaju uslove za učešće u predmetnom postupku javne nabavke.

Komisija II je dana 03.09.2025. godine održala zatvorenu sjednicu radi otvaranja zahtjeva za učešće. Uvidom u Izvještaj o preuzimanju tenderske dokumentacije od strane ponuđača, broj postupka: 848-4-2-104/25 od 3.9.2025. godine, Komisija II je konstatovala da su evidentirana ukupno tri preuzimanja. Prema Zapisniku o zaprimanju zahtjeva za učešće, broj: 10/E-11-4675/25 od 28.08.2025. godine, do isteka krajnjeg roka za dostavu zahtjeva, odnosno do 03.09.2025. godine do 11:30 sati, nije upisan nijedan zahtjev za učešće dostavljen za postupak javne nabavke usluga odvoza smeća. Budući da nije dostavljen nijedan zahtjev za učešće, Komisija II nema osnov za nastavak pregovaračkog postupka za nabavku usluga odvoza smeća.

Navedene činjenice Komisija III je konstatovala u Zapisniku o pregledu i ocjeni ponuda, broj: 10/E-11-4675/25 od 03.09.2025. godine.

Na zatvorenoj sjednici održanoj dana 03.09.2025. godine Komisija II jednoglasno je donijela odluku da Općinskom načelniku predloži da, u skladu sa članom 69. stav (2) tačka b) Zakona o javnim nabavkama („Službeni glasnik BiH“, broj 39/14, 59/22 i 50/24), donese odluku o poništenju postupka javne nabavke usluga odvoza smeća, što je zabilježeno u Zapisnik o pregledu i ocjeni ponuda, broj: 10/E-11-4675/25 od 03.09.2025. godine.

Odredbom člana 69. stav (2) tačka b) Zakona o javnim nabavkama („Službeni glasnik BiH“, broj 39/14, 59/22 i 50/24) propisano je da je ugovorni organ obavezan poništiti postupak javne nabavke u slučaju da nije dostavljen nijedan zahtjev za učešće u ograničenom postupku, u pregovaračkom postupku sa ili bez objave obavještenja ili takmičarskom dijalogu.

Općinski načelnik u postupku predmetne nabavke nije našao razloge niti nepravilnosti u radu Komisije II koji bi bili osnov za neprihvatanje prijedloga Komisije II, te je u skladu sa članom 69. stav (2) tačka b) i članom 70. stav (1) i (4) Zakona o javnim nabavkama („Službeni glasnik BiH“, broj 39/14, 59/22 i 50/24) donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-4675/25 od 03.09.2025. godine



Dostaviti:

1. Službi za zajedničke i tehničke poslove
2. Kabinetu općinskog načelnika – Odsjek za javne nabavke
3. Službi za finansije
4. U spis